



BILL YA BOEMO BA LEHODIMO: KE ENG? HAPE KE HOBANENG ELE TABA YA BOHLOKWA?



Bill ke phetolelo e hlalosing molao. Bill ya boemo ba lehodimo e ile ya atiswa ka kgweding ya Hlakola selemong sa 2022. Hona jwale Bill ena ese etla feta dipuisanong tse fapa-fapaneng tsa sechaba, le ho feta ho tse ding tsa di tsela tsa ho ngola molao, ho filhlela ese e etswa kgatiso ya molao wa Afrika Borwa tabeng ya phetoho ya boemo ba lehodimo. Molao ona wa bohlokwa otlala ba le tshusumetso e kgolo ka tsela eo Afrika Borwa e arabelang molato wa Phetoho ya boemo ba lehodimo. Molao o ona le bokgoni ba ho sireletsa ditokelo tsa rona, le ho thusa ho netefatsa hore Afrika Borwa e siretsehile tabeng ya phetoho ya boemo ba lehodimo, le hore e sebedisa khabone e nyane ho atlehisa moruo.

MORERO WA BILL ENA KE OFE?

Bill ena e reretswe ho netefatsa hore Afrika Borwa e matlafaditswe ho arabela ka tsela e lekaneng le tsela e sireletsang tabeng ya phetoho ya boemo ba lehodimo, dikotsi le tshusumetso tsa yona.


1. E laola tsela ya phokotso ya phethoho ya boemo ba lefatshe: Eleng ho fokotswa ha disebediswa tse hlahisang khase e futhumatsang lefatshe, ho emisa le ho fedisa phetoho ya boemo ba lehodimo. Letona le ekarabellang lefapheng la ditokoloho, le lokela ho abela batho le dikhoebo, tekanyetsokabo ya khabone ho fokotsa disebediswa tse hlahisang khase e futhumatsang lefatshe.



2. E laola ho ikamahanya ha maemo a fetohang a boemo ba lehodimo. Ho ikamahanya le diphello tsekang morwallo, komello, mello e hlaha, ho chesa haholo le kgaello tsa dijo. Diphello tse tla bonahalang haholo ha boema ba lehodimo bo mpefala. Mmuso o tlameha ho shebisisa dikotsi le diphello tsohle tse ka lebellwang mme o etse ditokisetso tsa ho shebana le ditlokotsi tseo. Se se etsahala mafapheng a mmuso a naha, a diphrovinse le a dibaka.



3. E boela a hlalosa maikarabelo a fapaneng a mafapha ohle a mmuso, ho fetela ho mafapha a diphrovinse, mafapha a dibaka le masepala. Se se netefatsa hore batho bohle ba amahaneng tabeng e, ba fumana boitsibiso le boikarabelo ba ho phetha karolo ya bona ho lwantsha phetoho ya boemo ba lehodimo, le ho etsa hore hobe le tshebedisano mmoho.



KE HOBANENG HA MOLAO WA BOEMO BA LEHODIMO ELE WA BOHLOKWA?

1. Ho nale tlhokahalo ya ditaolo hore mmuso le babaki ba bothata bona ba ikarabelle le hore ho be le boitlamo ba ho thibela diketsahalo tse kotsi.



2. Ho nale tlhokahalo ya ho abela mafapha ohle a mmuso ho etsa mehato e ka nkuwang ho laola tshoso eo phetoho ya boemo ba lehodimo e ehlahisang ho ditokelo tsa rona tseo re filweng ke molaotheo.



3. Ho nale tlhokahalo ya kgodiseho ya molao ho hlohlelletsa hore ho nkuwe bohato tabeng ya ho fokotsa disebediswa tse bakang phetoho ya boemo ba lehodimo.



4. Ho ka etsahala hore Afrika Borwa eka fumana tshehetso le chelete, ha re ka bontha hore renka taba ya boemo ba lehodimo ele ya bohlokwa, ka hoba le melao ya phetoho ya boemo ba lehodimo.



KE ENG EO BILL E EHLOKANG HORE E SEBETSE HANTLE?

1. Ke qobello le dikotlo tse matla ho batho le ho dikhoebo tse tlotseng tekanyetsokabo ya tsona, ka ho baka khase e futhumatsang lefatshe ho feta moedi e behilweng.



2. Tsietsi ya phetoho ya boemo ba lehodimo ese ele hodima rona, mme Bill ena e tshwanetse ho bontsha hore bohlokwa ba taba ena bo potlakile hakae, ka ho bontsha dinako tsa tebelo tse behilweng tsa ho sebedisa disebediswa tse bohlokwa jwalo ka tekanyetsokabo le ditsela tse ding tsa ho ikamahanya le boemo.



3. Ka lebaka la hore ho phetoho ya boemo ba lehodimo e ama motho emong le emong, ponaletso le ho fumaneha ha boitsibiso ke dintho tse bohlokwa haholo. Re hloka ho tseba hore ke ditekanyetsokabo dife tse behilweng bakeng sa batho ba bakang khase e futhumatsang lefatshe ka disebediswa tsa bona? Ba baka khase e ka kang? Le hore, ana ba latela molao tabeng ya ho fokotsa ho sebedisa disebediswa tse bakang bothata bona, ka hose tlole meodi o behilweng hore re tswelopele re ena le boemo ba lehodimo bo bolokehileng.

4. Bill e hloka ho bana le melao e matla bakeng sa phokotso ya basebedisi ba disebediswa tse bakang bothata bona ka hobana le tebelo ya nako e behilweng, tse thehilweng boitsibisong bo molelo ka ho fetisisa ba saense, ho netehatsa hore ha re fete mocheso o ka hodimo ho 1.5 dikris ya mocheso wa lefatshe, eleng tumellano e dumelletsweng ke saense ele bonyane ba moedi o behilweng ho netefatsa hore boemo ba lehodimo le rona re dula re bolokehile.



RE KA ETSANG HO NETEFATSA HORE MELAO YA RONA YA BOEMO BA LEHODIMO E TIILE?

1. Ka ho ithuta le ho bua ka phetoho ya boemo ba lehodimo, le ho boela re bua ka Bill le bohlokwa ba yona.

2. Ka ho buisana le balaodi ba dipolotiki, re ba botse hore ana baya etseba Bill. Le hore ba ka etsang ho arabela se re tshwenyang.

3. Ha hona le nako ya ho hlahisa maikutlo ka nako ya kopano le Sechaba, hlahisa maikutlo a hao mme o botse dipotso.

4. Ikopanye le Sechaba le balaodi ba ditumelo ho hlahisa maikutlo a hao.

5. Bolela dipale tsa hao tsa phetoho ya boemo ba lehodimo le hore o tshwenywa ke eng, ho sebaka sa heno, ho social media, le ho metswalle le ba lelapa la heno.

6. Haeba o kene ho mekhahlo e buellang ditaba tsa tikoloho, bua ka Bill. Nahanela ho kena dihlopha tse kang tsena haeba ha oso dikenele. Bua le basebetsi mmoho le wena, le baemedi ba di union haeba ole mosebetsing.

